

**Balūwa wa yība
nino Pōlo ukpikilya ndi
Batesalonika
Likpūmuka la mambwa**

Balūwa wa yība nino Pōlo ukpikilya ndi bakilisito ba Tesalonika nīmū. Akautumbūya bata beyo Kilisito igoku ndeke mino, na beyo mulibo ma obili ka batū bi nibo babinikyana Yeso ika ndeke goni mino. Batū bemoti-bemoti ka gūfū yi nino babikyaga be Kilisito igoniku ndi, batū bagogo be kegū beyo, luki limoti, lisyē li a kūwa ūuwobi.

Nibo babikyaga be lisyē li a kūwa ūuwobi, bakapagigū bata kagya ligubo, banabikya be ligubo kegū na izangiya. Luki limoti, bagaga kalyalya ka batū nibo bagyaga ligubo. Kinili, Pōlo ukpikilya ndi be mutū yikaka-yikaka okwononi kaikō bungu kye alyalyi. Ubikya goni be ūigwinonogi na baya aka, ko ngbingo wa bukpeki-kpeki bika kagya ūunza aka.

Yigbananaga ya kitabu yi niyi:

Yuuso 1:1-2

Yigoku ka Yeso obungusya ndeke makpūmuka masi 1:3-12

Mombukwono-dosu kanigikugū mbeyi 2:1-12

Kaigwinonogo yapū ka baya 2:13-17

Malūmba na ligubo 3:1-15

Yuuso ya mulibo 3:16-18

Yuuso

¹ Imi Pɔlo pa imoti na Silivano ibɔ na Timotio, tamumuusogito ibunu bomomосу ba Kanisa ya Tesalonika. Tamukpikilyi ibunu balɔwa yi nimɔ, Kanisa niyɔ ko Kunzi Obosu na Mombukwono-dosu Yeso-Kilisito.

² Obosu Kunzi na Mombukwono-dosu Yeso-Kilisito bamudukilyi iziyɔ na maziyɔ.

Kunzi akɔtɔ ndeke ngbanga ka bambanzɔ

³ Bomika-mama, tokwononi kamigisya Kunzi ibiba bongbinga basi ko bulya kunu. Okwononi tagyi beyɔ kye baya kunu akopingo, na sipananisɔ nisɔ ma nosu luga kunu akaidukulogo begyɔ.

⁴ Kinili, ta na bugindo ko bulya kunu kambwa wa Makanisa ko Kunzi, ko bulya limbengi kunu linda na baya kunu gutugɔ makaigyogyiso na kalya kumbu.

⁵ Masi nimɔ akowonisilo be Kunzi opungini kako ngbanga ka bungbingbili, kye yigyogyiso amuitiso ndeke bukwanana kaingyo ka Bungama kaki.

⁶ A beyɔ, Kunzi a wongbingbili. Ugyogyisa ndeke batɔ basi niɔ bakamugyogyiso begyɔ,

⁷ ibunu bi niɔ makaigyogyiso, amuyukumisatɔ pa imoti na ifusu. Agya ndeke beyɔ wa Mombukwono-dosu Yeso ipupisa ndeke mino kugɔ wa lisyɔ pa imoti na bamalaika kaki bo ngu,

⁸ odo ku ndeke luga wa lidada lo buku, ugyogyisa ndeke batɔ niɔ bakyaga kamiba Kunzi na niɔ bakabailyagɔ Mongoni Manza ka Mombukwono-dosu Yeso.

⁹ Yigyogyisa kabɔ ika ndeke putikana ya benze na benze, bakinigɔ ndeke miso ka

Mombukwono-dosu, ubisa ndeke byi no ngu kaki ya ibiba.

¹⁰ Ka lisyε li nilo odoku ndeke mino, batu basi nibo ba ka mutili kaki, babibisatu ndeke na nibo babinikyana ndi, noku udika bide. Ibunu goni mika ndeke pa imoti na ibu kye mobinikyononi ndi mongoni nimo tamubikyaga ndi.

¹¹ Kinili, tikaga bongbinga basi kamukungalya. Takakunga Kunzi ambe amuitisi batu nibo bokwononi ka obili nino amumakaga mino. Pisi ko ngu kaki, amusingyi kotulyoso musasa kunu manza na ligubo kunu ka baya.

¹² Kika beyo, lino ka Mombukwono-dosu Yeso avatu ibiba, na iyi amupatu goni ibiba. Niyo yasi a iziyo ko Kunzi na Mombukwono-dosu Yeso-Kilisito.

2

Kambwa wa yigoku ka Mombukwono-dosu

¹ Bamamaki, ka nilo ondi yigoku ka Mombukwono-dosu Yeso-Kilisito, na mumukana kusu ka kpolo kaki, takamukunga ambe:

² mambanzu kamubikya be lisyε la kigoku ka Mombukwono-dosu itulyonini, wikoni mambengi biduuu, makobongonitogu. Gutugu bakika kanzina pisi ka bugyalandu ikani pisi ka bomongoni ikani pisi ka balawa be arunya ku kusu, makobinikyononitogu.

³ Mambanzu kamubonitogu gutugu ko pisi imoti aka. A beyo, kambwa lisyε li nilo kaitulyana, batu budingi bakya ndeke likrumaka ko Kunzi, kumbuso yi, Mugya-manyε

nino aputikana ndeke ka mulibo, ipupisoku se kuwa.

⁴ Amuya ndeke makpumuka masi nimo bobibisaga abe kika nimo ko Kunzi. Inda ndeke kaisopisogo ka Ndaɓa ko Kunzi, abikya be iyi ni Kunzi.

⁵ Makegu bata katamana be namatumbulyatu ndi likpumuka li nili, ngbingo yi nino na ndi mino ku kunu?

⁶ Makaiba luki tino lo akakpingba Muga-manye yi nino mbiya wanu. Iyi odoku ndeke ko ngbingo nino aka no Kunzi abisilya ndi.

⁷ Gutugu beyo, iyi Muga-manye yi nino opungoni ndi ligubo kaki bipela. Luki limoti, opuponoku ndeke iba mutu yi nino akakpingba mbiya-mbiya yi nima kegu bata.

⁸ Niyo Muga-manye yi nino ipupisa ndeke, Mombukwono-dosu Yeso amwo ndeke na chu wa manoku aka, alumwisogo no ngu niyo ipupisoku ndeke noyu.

⁹ Muga-manye odoku ndeke no ngu ka Abili, agya makpumuka mumbanga-mbanga dididi, mokingyosi na makpumuka ma bongu.

¹⁰ Agya ndeke makpumuka manyenye ka bopisibi bayasi kaubo batu nibo bokwononi kobungo. Bobunganga ndeke kye bakabailyagu ndi na kapa likpumuka la lingunu nilo akwanana ndi kauhukuso.

¹¹ Kinili, Kunzi utikilyoni kawa ngu ya kuboboku kaubungusogo bekye babinikyani likpumuka la bongu.

¹² Kinili, b̄umakyat̄u nd̄eke ka m̄ungimbo bat̄u bas̄i nib̄o b̄akya ndi kab̄inikyana lik̄r̄um̄aka la linḡun̄u, b̄anogwa magyagya ka lik̄r̄um̄aka lanȳe.

Kunzi amupunogoni ndi kainiso na muhukuso

¹³ Bamamaki, ibusu, tokwononi kamigisya Kunzi ib̄iba b̄ongbinga bas̄i ko bulya kunu yi nib̄o Kunzi am̄upa. A b̄eyo, Kunzi amupunogoni ndi ibunu kat̄ukya ka m̄up̄anganagi ma ob̄ili kye minisoni na muhukuso. Limbengi-Lotu amububisat̄u kye baya kunu a ya kiḡumya ka lik̄r̄um̄aka la linḡun̄u.

¹⁴ Kunzi am̄umakaga ndi kaika b̄eyo pisi ko Mongoni Manza nin̄o tam̄ub̄ikyaga ndi. Iyi apa ndi b̄e winisononi na ib̄iba ka Mombukwono-dosu Yeso-Kilisito.

¹⁵ Kinili bamamaki, wigwinonogoni na wikoni b̄akit̄alya ka mut̄uu nim̄o tam̄up̄a ndi, iki pisi ka m̄anzina ikani ka bal̄wa kusu.

¹⁶ Kunzi Obosu nin̄o atipa ndi, na pisi ka iziyo kaki, atitumisaga mambengi b̄ongbinga bas̄i, atip̄a mut̄amanagi manza. Takaunkunga pa imoti na Mombukwono-dosu Yeso-Kilisito b̄ik̄pe ambe,

¹⁷ bamutumisi mambengi, bam̄up̄a ngu kagya masye masi lik̄r̄um̄aka lanza pisi ka yigya yanza na m̄anzina.

3

P̄olo akakunga b̄e b̄ulumbilyi

¹ Bamamaki, ka mulibo, tilumbilyoni kye lik̄r̄um̄aka ka Mombukwono-dosu it̄alyani

bigala-gala ka bapa bayasi na avi ibiba, mūdōngōni bēyō o mino kaigyonoso ku kunu.

² Tilumbilyoni gōni Kunzi kye atikulagi ka maḅokū ka batū banyē na buḅiya. A bēyō, keḅu batū basi ḅō ḅa na baya.

³ Luki limoti, Mombukwono-dosu a mutū walingūnū, amutumisatū ndeke no ngu, amubuulyogo ka Mūgya-manyē.

⁴ Tabakigūmya ku kunu pisi ka Mombukwono-dosu. Ta na baya ambe makagya nīlō tamuḅikiyi na midukulogo kagya yi.

⁵ Mombukwono-dosu okpokyonisi mambengi kunu, mika na sipananisō no Kunzi, mika na adalū mūnda mūdōngōni abe Kilisito.

Okwononi mutū wasi agyi ligubo

⁶ Bamamaki, takamūḅikya ko lino ka Mombukwono-dosu Yeso-Kilisito ambe makosyonitōḅu ka mūdōngō ka batū basi nīḅō bakapagigū ligubo na nīḅō bakēḅu kabye mutū nīnō tamūpá ndi.

⁷ Ibunu bamombukwono-donu makaiba binza bēyō makwanano mino kabye yigya kusu. A bēyō, ibusu takeḅu ndi bavivo ngbingo yi nīnō tikaga ndi mino pa imoti na ibunu.

⁸ Takeḅu ndi batū bakikukūngya luga kunu. Luki limoti, tikōḅō ndi bungu ḅikya, tupo ḅidapaḅa. Tigugubyaga ndi biti na lisye kye mūmbanzū gutūḅu bēmoti aka kobinikonitōḅu buti kusu.

⁹ Takwananatū ndi kamūkūnga bē tisingy-oniku, luki limoti, takagyagigū ndi bēyō, kye ta ndi na mūsasa bē tamūpá likingyosi bē gyogoni abe ibusu.

¹⁰ Kinili, ngbingo yi ninɔ tikaga ndi mino ku kunu, tamupága ndi mutuu be: «Mumbanzu kanya kanya ligubo, kolyolyonitogu begeyo.»

¹¹ Luki limoti, takaunkana mbiya yi nimu be luga kunu batu bagogo bikaga payaya, bakapagigu ligubo, ligubo kabu kuwa asi ni banvenve aka.

¹² Takaunkpama inguo ya batu bi nibo na kaupá mutuu ko lino ka Mombukwono-dosu Yeso-Kilisito ambe bagyi ligubo bongbinga basi, ko bulya yibinika buti kabu ka bamombukwanadabu.

¹³ Ibunu, bamamaki, makuponitogu kanya bunza.

¹⁴ Mumbanzu koboilyi kabye mutuu mi nima tamupí ka baluwa yi nimu, mumiboni binza, makasyonitogu ka mudongo kye imukani suni.

¹⁵ Makavonitogu se abe mumuyoniso, luki limoti, mupóni mutuu mudongoni abe momonu.

Bubunga na yuuso

¹⁶ Mombukwono-dosu ninɔ a mombukwana maziyo, amudukilyi maziyo bongbinga basi na ka bopisi bayasi. Mombukwono-dosu iki pa imoti na ibunu basi.

¹⁷ Imi Polo bikpe no namukpikilyi likpamuka li nili ambe namumuusogito. Nobisaga maboku ka babaluwa kami basi beyo, maboku kami nimo.

¹⁸ Izio ka Mombukwono-dosu Yeso-Kilisito iki pa imoti na ibunu basi.

AGUMƐ WAMBIYA

Lika: AGUMƐ WAMBIYA (New Testament+)

copyright © 2019 Wycliffe Bible Translators, Inc.

Language: Lika

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 1 Oct 2024 from source files
dated 29 Jan 2022

f796df90-b7da-5393-9b93-c756eba4e5d6